



وَعَدَ اللَّهُ الَّذِينَ آمَنُوا إِنَّكُمْ وَعَكُولُ الصَّالِحَاتِ لَيُسْتَخْلَفُنَّهُمْ فِي الْأَرْضِ كَمَا أَنْتُمْ تَعْلَمُونَ  
الَّذِينَ مِنْ قَبْلِهِمْ وَلَيُسْكَنَنَّ لَهُمْ بِيَدِهِمُ الَّذِي أَرْفَقُنَا لَهُمْ وَلَيُسْبِدَنَّهُمْ مِنْ مَا  
يَعْدُونَ إِنَّمَا لَا يُشْكُرُونَ فِي شَيْءًا وَمَنْ كَفَرَ بَعْدَ ذَلِكَ فَأُولَئِكَ هُمُ الظَّالِمُونَ

Jumatatu, 10 Safar 1447 H

04/08/2025 M

Na: HTS 1447 / 13

### Taarifa kwa Vyombo vya Habari

#### Mahusiano ya Kigeni ni Jukumu la Dola Pekee, kwa kuwa Dola Pekee ndiyo iliyo na Haki ya Kuchunga Mambo ya Ummah Kivitendo (Imetafsiriwa)

Baadhi ya vyombo vya habari viliripoti kuwa wajumbe kutoka Muungano wa Vyama na Mavuguvugu ya Sudan Mashariki, wakiongozwa na Sheiba Dirar na kuandamana na kundi la watu mashuhuri, walikutana na Rais wa Eritrea Isaias Afwerki mnamo Jumamosi, 2 Agosti 2025, afisini kwake huko Adi Halo, ambapo wajumbe hao walijadiliana naye hali ya sasa ya Sudan kwa jumla, kwa kuzingatia changamoto zinazoikabili Sudan Mashariki. Ujumbe huo pia ulisisitiza umuhimu wa uratibu na nchi jirani ili kusaidia utulivu wa nchi na kukabiliana na migogoro ya kisiasa na usalama.

Je, udhaifu na udhalilifu wa serikali ya Sudan umefikia kiwango hiki? Au inajaribu kuwalazimisha watu wakubali picha hizi potofu kwa nia mbaya? Mionganoni mwa picha hizi ni mafunzo ya wanamgambo wenye itiifu wa kikanda au kikabila nchini Eritrea!

Machafuko haya, yanayofadhiliwa kisiasa na kijeshi na serikali ya Sudan – ikiwemo kuinua simulizi ya kibagazi katika duara za kisiasa – yote yanatumikia mpango wa Amerika wa kuigawanya Sudan katika dola kadhaa: kwanza Darfur, kisha Sudan ya Mashariki!!

Serikali ya Sudan lazima itie fahamu zake na kukomesha uchokozi huu, ambao utamaliza kile kilichosalia katika umoja wa nchi hii, na kuiacha umeangamizwa na kufutwa kabisa. Huo ni usaliti mkubwa! Komesheni vitendo hivi vya kisiasa vinavyolenga umoja wa nchi hii! Komesheni msururu unaoendelea wa kuunda wanamgambo wa ndani au wale wanaohusishwa na nchi za nje kwa mafunzo!

Ama kuhusu suala la raia wa Dola ya Kiislamu – kinachotakiwa kwao na kinachostahiki kwao – na uhusiano wao na dola za kigeni, ni jambo linalosimamiwa na Shariah. Uislamu una msimamo wa wazi juu ya hili: Hairuhusiwi kwa raia kutekeleza mujukumu ya mtawala, si ndani wala nje, isipokuwa kwa uteuzi wa halali, kama vile kuteuliwa kwa Khalifa wa Waislamu, kwa sababu ye ye ndiye mwenye dhamana ya kusimamia mambo ya ndani na nje. Mtume (saw) amesema: «فَإِلَمَامُ الَّذِي عَلَى النَّاسِ رَاعٍ وَهُوَ مَسْنُونٌ عَنْ رَعِيَّتِهِ...» «Imam ni mchungaji na anawajibika kwa raia wake...» Au wale ambao Khalifa anawateuwa, kama wasaidizi, magavana na wengineo.

Wakati dola ya Khilafah Rashida itakaposimamishwa hivi karibuni, kwa mapenzi ya Mwenyezi Mungu, hakuna mtu atakayeruhusiwa kukutana na wakuu wa nchi za kigeni au kuwa na uhusiano wowote na nchi ya kigeni. Imeelezwa katika Rasimu ya Katiba ya Dola ya Khilafah iliyowasilishwa na Hizb ut Tahrir kwa Ummah, Ibara ya 182: «Hairuhusiwi kwa mtu binafsi, chama, kambi au kikundi chochote kuwa na uhusiano wa aina yoyote na nchi yoyote ya kigeni kwa vyovyote vile. Mahusiano na nchi za kigeni ni jukumu la dola pekee, kwani ndiyo pekee inayoshikilia mamlaka ya kivitendo kuchunga mambo ya Umma. Umma na kambi za kisiasa zina haki ya kuihisabu dola kuhusiana na mahusiano haya ya kigeni.»

**Enyi watu wa Sudan**, je, kile tunachokuitieni sio bora kuliko uhalisia huu mbaya ambao mnaishi ndani yake? Je, haujafika wakati wa nyinyi kufanya kazi na Hizb ut Tahrir—kiongozi asiyewadanganya watu wake—kusimamisha Khilafah Rashida ya pili kwa njia ya Utume? Hiyo peke yake ndiyo itahifadhi umbo la serikali na kuipa hadhi. Haitaruhusu nchi yoyote ya kigeni kuingilia mambo yake au kufungua njia za mawasiliano na raia wake. Yote haya ni uhalifu mkubwa na hatari kwa uwepo wake.

[يَا أَيُّهَا الَّذِينَ آمَنُوا اسْتَجِبُو لِلَّهِ وَلِلرَّسُولِ إِذَا دَعَاكُمْ وَاعْلَمُوا أَنَّ اللَّهَ يَحُولُ بَيْنَ الْمَرْءِ وَقُلْبِهِ وَأَنَّهُ إِلَيْهِ تُحْشَرُونَ]

“Enyi mlion amini! Muitikieni Mwenyezi Mungu na Mtume anapo kuitieni jambo la kukupeni uzima wa miele. Na jueni kuwa Mwenyezi Mungu huingia kati ya mtu na moyo wake, na kwamba hakika kwake Yeye tu mtakusanya.” [Al-Anfal: 24]

Ibrahim Othman (Abu Khalil)  
Msemaji Rasmi wa Hizb ut Tahrir  
katika Wilayah Sudan

Tovuti Rasmi ya Hizb ut Tahrir:

Simu: 0912240143- 0912377707

Pepe: [Spokman\\_sd@dbzmail.com](mailto:Spokman_sd@dbzmail.com)

Tovuti: [www.hizb-sudan.org](http://www.hizb-sudan.org)

[www.hizb-ut-tahrir.org](http://www.hizb-ut-tahrir.org)

Tovuti ya Afisi Kuu ya Habari ya Hizb ut Tahrir:

[www.hizb-ut-tahrir.info](http://www.hizb-ut-tahrir.info)